



壬辰十月却身守定

行明古卷存之卷法重刻

1570

行明古卷存 内有修政古六张

行明古卷存 比板字样稍大 拟重刻通以男一例

行明古卷存 比板字样稍大 拟重刻通以男一例

以是共六卷为石恒同语合集



石經閣詩略卷一
明月忽飛來照我山中樹山中蘭花發幽人在何處夜深清
露寒只聽青猿語

南湖秋泛

秋風忽吹寒點點南湖雨孤舟入蘆漪夜色滿沙渚野鴛睡
不驚漁燈遠可數叉手立船唇獨自尋煙語

齋中讀經詩八首

圖書出劉歆偽託孔安國關朗實宗之以闡元妙德安樂木
之才四圖神其術宓義至漢世絕學何由得希夷初先天子
遠譚太極其說祖虛無三五空推測焯哉野史翁一言羣疑
息

人臣貴責難頌美三代無梅賾上隸古面諛始禹謨君陳主
歸善謂乃禮不逾諂佞從此啟簡策焉可誣淫酒戒公旦頗
辟敝胥餘議郎存古文八分一手書我欲發孔壁敬上母佚

圖

小序肇卜商後人輒廢之遂使豐坊輩傳說託廣辭元風齊
魯韓三家先毛詩其文時敝見古義日月垂文公未及寫攷
異歸浚儀申以翼奉訓勒以蔡邕碑轉注悟推莖諧聲證來
釐六書合浚長一一無差池亡或效東補說定解匡頤異文
拾剝齧勿笑吃口奇

元公作周官誰辨真與妄紛紛剽歆輩靡易爭偽尙膳飲飲
奢靡關市贖賄藏如何致太平區區權度量無怪後世託禍
因經術釀前有新莽王後有宋掬相

石經閣詩卷一
聖人不復作至性多淪亡明皇注孝經大義千古彰柰刪闡
門篇輒自墮厥防百姓與臣妾一敬之所將陋哉司馬貞遂
敢議劉光所以女史禍流毒盛李唐衡山疑詩語端明嘗分
章六經擅改竄此例荆沈郎

論語誤微言傳者古齊魯東海鄭康成傳說宗吉禹讀正五
十事一手綜今古中郎書石經已與鄭相午平叔萃八家同
異紛參伍唐宋所立碑軫轉難覩縷下至瀛海本傳寫誤杖
杜樂道字久遺輕裘文後補筆解偽沿沂方言雜芻賈械郁
通假借躬躬殊訓詁古義證廿篇匡謬闡半部慎勿代薪燒
聊以覆蒟蕪

七廟說有三議禮日變更隨立而隨毀親祧無定名祖宗乃
可毀奚怪疾不平後來王劉輩猶愈章元成禮無所不順廟
制經無徵可見王制篇西漢尙未行何時誕妄作乃與祭法
并安得起宣岷刪之存其精

鴻都勘正文書丹勝竹策沿流凡七種同異資攷核中郎大
手筆初始功絕赫七十有二碑存者僅片石叢叢魏體傳輞
饑蜀訓擇樣嵌石癖青書畱天水碧殘文多師承奧義足攬
撫異哉亭林叟反以供指摘我爲申寃詞帝虎棐俗格偶然
悟偏芻奚啻珍珠獲一盞虫魚燈油窗腐鼠嚇

借吳思亭修天香庵揆宋梅

種梅人去六百年春風幾見滄桑遷後五百年來謫仙一庵
長結空山緣我鄉詩人數三李僧帽儒衣風翩翩南鄰况復

有朱老想見日日醉花前未邊香草今蕪矣墓田丙舍空流
水翠禽噤凍山中呼笛夢吟魂喚不起鶴老亭荒復幾時寒
香依舊十三枝到門略約通春舸斷竹丁椿繞壞籬我替梅
花來作主年年邀客尋詩處舉盃呼月問南朝明月無聲花
不語

春日楓溪雨餘晚步寄溪上諸友

一雨破春霽諸燼吹溼痕鶯嘯無定樹犬吠不知邨柱杖閒
聽水鉏瓜欲買園故鄉歸計近穉子候衡門

訪張堯民

昌衢

田居

碎喧來此地間課有桑麻客久離親舍妻常寄母家野橋一
畝宅春雨半牆花爲問田居樂江邨路不賒

初夏寄草堂

閉門蹋屣句偏安倦眼抽書不耐看新露著桐時一滴矮牆
容竹可三竿寒衣漸共柳棉卸去夢半隨春雨殘苔跡巢陰
都替換何時買夏問園官

旅懷

彎跬板閣任趺跏愁坐無端感物華客裏聞雞常早起窗前
見月忽思家離心只寄歸林鳥歲序真同赴壑蛇爲問空山
遲暮意美人消瘦似梅花

漢瓦硯歌爲錢警石

泰吉賦

子午通天屹然起六百鴛央睡不死觚稜終古卜奇羊千秋
萬歲長無已漢宮一百四十五一半尙沿祖龍址流傳殘甃

殊甘泉繡蝕片片苔華錢秦與漢與迄難辨永受嘉福四字
全或云迎風嘉祥兆偏旁點畫煩敲研我聞斯也初小篆隸
變夏湖三蒼篇是文非篆亦非隸疑在同馬攻車年錢君嗜
古歐張亞百二十材揜羣雅得茲片瓦重貞珉琢以爲研供
揮寫照爾以益壽之盤龍伴爾以延年之飛鴻玉螭一滴松
煙上團圓明月秋堂空嘉名吉語兆俶落日有喜而樂無窮
硯田差幸無晚歲瓦兮瓦兮占日豐

晚望

落日不知暮山空冷翠微隔邨一犬吠踏葉幾人歸薄霧著
林色寒煙亂客衣鴉栖愁太晚宿宿欲何依

孤山謁林和靖墓

一嶺寒香三百株古苔荒土伴清臞林歸野鶴微聞語山有
梅花不算孤斷徑冷雲閒去住墓門深雪半饌黏段家橋畔
提壺處誰寫西湖陰趣圖

辛未歲暮移居古葭洞

家近詩人丁卯邨移居祇合避煩喧鶴愁糧盡花爲料雞怕
籬疎竹補門舊硯冑隨琴共典破裘畱與被添溫閒尋眼病
無方法丸就梅花和藥吞

題鍾丈看劍引杯圖

人生不得置身青雲間當使仗劍氣衝牛斗邊不然醉入東
海吸長川此意亦足傲神仙古來世事如旦暮長安富貴焉
足數俗眼不遭秦客白豨膽肯爲麴生露鍾翁鍾翁世所傾

讀書下筆如有神功名少壯不稱意掉頭去作江湖人切雲
崔嵬好奇服昂藏八尺超流俗明燈綠酒三萬場買盡金錢
每不足有時堆阜起崢嶸濁醪百斛澆之平珊瑚敲碎霹靂
走鯨魚倒吞蛟龍驚以酒淬劒劒光舞握劒使酒酒兵吐空
堂一朵冷雲飛四座傳觀神色沮唾壺擊罷臨高臺白日欲
暮悲風來人間多少不平事舉杯問天天亦哀可憐結客多
豪縱千金散輕一諾重平生涕淚盡恩仇十年始覺揚州夢
浮世虛名何爲哉梅溪老屋歸去來阮生豈效窮途哭鄒叟
猶侈談天才舊遊相聚皆白首痛飲尙能拚幾斗牀頭風雨
泣鬼神青虹夜半作雷吼吁嗟乎人生行樂易蹉跎莫向尊
前喚柰何看君劒酌君酒劒能斷萬古之間愁酒能消胷中

之魄磊飲酣聽我歌復彈老大悲傷更何有

甲戌四月十六日奉侍 家大人暨墨緣兄

翰秦郵

之行傍午泊舟樵李楊柳灣越晨抵吳江

以下甲戌

櫻桃湖畔草萋萋垂虹亭下抽帆齊綠陰矮樹人家靜拍水

野禽時一嘯

雲萍舊夢落江河載酒重來柰別何底事柳條攀不盡狂棉
更比昔年多

過太湖望東西洞庭諸山

斜日洞庭山山山縹緲間蒼茫三萬頃七十二峯環我欲尋
林屋仙風不可攀只留銷夏好烟水結柴關

遠勢東南盡三江此具區風翻白日動山插青天孤舟里終

舜漢鷓已竟入吳君恩如可乞重寫石湖圖

無錫

水程三百里一路但風聲溪傍梁鴻宅草荒太伯城遠山九
點小落日孤帆明何處尋桑苧蕭條空復情

焦山

焦公昔栖隱誅茆茲山頂千載聞道去紺宇結淡靜江濤日
夜喧中有老僧定縹緲白雲間風落一聲磬

高郵呈刺史兄

馨

珠湖東去水空濛蘆荻蕭蕭路自通漁漚夜明黃浦月沙船
曉送白蓮風岸當城郭斷千尺地闢蛟龍爭一宮我欲褰裳
歌苦葉百年仗濟川功

題許晦堂

燦

詞卷後

青門舊公子束髮早從戎一片關山月三年塞北鴻蒲萄歡
玉帳紅柳老秋風何處西涼曲笳聲恨不窮
短衣舜絕域晚計話鄉邦獨客仍千里孤帆下九江蘋花翻
白雨鐵笛倚紅腔并入思歸調羈愁未肯降
雙鬢老江河當筵子夜歌文章流輩少風月小園多讀曲吾
愁矣吹簫客柰何兩垞遺調在餘子未能過

題查春園

有新

松下看詩圖

滿地落松子疎窗儘不關有時歸白鶴終日坐黃山高唱偶
然發秋林如此閒何當共脫帽相與看雲還

登文遊臺

高臺聳峙一千尺七十二湖相滌旋橫河曲流江東注一痕
濤卷陵倉烟長帽詩翁峨眉仙羽衣道服風翩翩我行云邁
忽失路東游乘興珠湖邊中朝司諫霜盈顛宰相文孫青門
傳一時文采成佳會誰其主之推秦髯黃樓一賦空千載靈
光照耀七百年可憐朝市幾更變此臺終古長高騫我思豐
熙嚴鉤郤泰陵親政收羣賢詩帳不信遭奇禍嶺表脩耳窮
荒遷手把夫容下淮海江流濯足清且漣枕榔雨黑春夢醒
葑田雲盡秋波鮮酒酣狂歌敦盤上天南白鶴來娟娟清虛
堂開作九日墨妙亭落留新篇故人來往無一事想見雅集
相後先築臺崇祀煩賢守丹青圖畫思龍眠我來日暮臨秦
川西風葉葉估帆連黃蘆苦竹幾千里沙汀讓與閒鷗間詩

魂仿佛不可覓憑闌懷古心煩煎歸與明月還相照淮南炆
思渺鄉關

夏日卽事寄梅里諸子

筍籜新巾雪藕裳麥秋偏愛打頭涼相于雨檝尋漁弟三十
六陂蓮葉香

細雨輕煙譜笛牀江南一曲買陂塘畫簾夢起渾無事只有
懷人字半囊

奎樓曉望同蔡甥

蘭蓀作

高閣不知暑憑闌思渺然虫喧兩岸雨月墮一湖煙種水多
于地栽荷半當田陂塘七十二讓與白漚眠

憶梅華溪漁歌

小長蘆畔舊漁莊一曲吳歌唱水鄉羞向浴斯湖上浴飛來

無數野鴛央周必大吳郡諸山錄橋李舊號小長蘆朱竹坨太史自號小長蘆釣魚師浴斯湖卽石橋港見

竹坨募修石橋庶疏

櫻林詩派半飄零瓜茗松風理竺經溪水寺門二十六寒鐘

隨月到秋亭靈源寺僧心印字櫻林能詩嘗梓同人詩日分柿妙香庵有瓜茗居竹坨書額秋亭鄭雲渡棲

隱處

響鈴墳畔野棠華石柳亭荒集暮雅荔服茜衣誰覓得香魂

猶傷玉鈎斜響鈴墳在中環橋北相傳前代王妃葬處石柳亭在蔣步橋北里西南有古冢相傳有女鬼每夕陽將下依光出沒王秋槐丁香結詞咏其事荔服茜衣卽詞中語

南園歷歷叢桂侁北園蕭蕭秋艸肥阿儂家近蝴蝶局慣見

羅浮蝴蝶飛蝴蝶局曝書亭中一景也

亭中一景也

補黃邨北稻花香艸居邊香艸荒只有宋梅十三樹春風

墓下幾斜陽

桃鄉蘿苴溼春泥一曲東溪接演溪七十二坊橋廿二家家

水閣盡開齊李明遠詩曠士門前號演溪波瀾曲折石橋西里中橋梁有橫十一暨十一之名

半螺新水版橋西近小桃源路不迷郎住柳圩妾柳岍鶯聲

只隔一條溪

石橋煙舍竹間亭曾記藍村結舊盟三十年前來聽雨藕華

菱葉總關情

在我山園天目松秋風一夜化蒼龍雲衣鳥夢石飛去閣外

依然青六峯

蘆花吹雪上漁舟漁計庄蕪問白鷗誰寫江湖小朱十一枝

短笛月波樓

朱西峻先生有月波吹笛圖

香船匯近釣魚坊閒倚烏篷弄夕陽歡意慣憐斜港住妾愁

只怕別溪長

涼影梧桐月半池白蓮香近野鷗知儂家繡鴨灘頭住不繡

鴛央繡鴨兒

老槐曾說南朝種古石還傳晉代街不見海棠三十樹墓門

春雨落松欒

宋槐在大石橋大街相傳為石晉時所築沈山子萊畦兩世皆葬海棠林中今零落盡矣

貓頭新筍肉不如菜甲臺心嫩可鉏昨夜溪根春水漲橋邊

初賣菜花魚

新荷驟雨換紅腔驚起鴛央度石磴七十二池池水影照來

三十六成雙

溪上有七十二池

不種棉花但種桑白紗小布桐鄉莊紡磚聲裏秋燈淡忙煞

籬根絡緯娘

桐鄉莊布之至輕者里中婦女以紡紗為業

梅花開時春雪香梅花落後春雨黃梅花莊畔梅花曲漁弟

漁兄長水長

山館桐華共讀書十年曾坐夜窗虛秋風何處尋詩夢月白

鐙紅一樹疎

故友周桐北所居桐華山館有句云疎樹月明三徑白小窗虫語一燈青

閨媛能詩數道嫺綠軒秀閣也同傳剪刀聲共吟聲歇夢斷

秋鐙又一年

亡嬪李氏有秋夜詩云繡牀坐倦夜初闌挑盡蛾鐙夢不安九月棉衣還未寄指環官放剪刀

寒不幸早世有隨月樓詩草史靜媛有飲綠軒詩王元珠有蕙秀閣詩吳道嫺有聽鴻樓詩

星聚堂偏屋幾間數椽風雨近珠灣移家又作邨夫子拋却

門前一幅山

星聚堂余南埭舊居珠灣樹人堂老屋也今移居古葭洞

寂莫東風舊酒徒周南張北任招呼阿誰更繼王郎筆添寫
梅溪四友圖余與周桐北鳴盛史竹南大勳屠梅西雲堯爲梅溪四友今桐北已故而圖尙未繪爲之慨然
一髮青山歸夢遲小園風月劇相思閒窗擬續梅溪志記取
江南漁唱詞

登金山寺

此地疑無地諸天別有天濤聲驚鳥落山勢斷鍼懸細雨都
成霧秋陰欲化煙江湖感搖落吟眺獨茫然
前度滄洲夢來尋海岳樓江山六代客風雨一孤舟梵磬偶
然發白雲相與流山僧煮盞鼓茶話證清修

無錫寄錢梅溪

詠

之子此栖隱梅華弟幾邨里傳虞太伯家本越王孫別去曾

無雁相思寄一尊知添金石錄把酒約重論

此在八頁有缺
石不易刻

石經閣詩略卷二

嘉興 馮登府 雲伯

閒居草

乙亥二月天香庵探梅 以下乙亥

千億梅花當墓田
提壺山鳥喚溪前
夕陽滿地如流水
花影不寒壓一肩

瘦骨全身護短籬
南朝舊夢月明知
韓王驢子林家鶴
賸水

殘山此一枝 庵有南宋時梅十三株

春風髣髴羅浮邨
香艸難尋處士門
寂莫年年一杯酒
半澆花骨半詩魂

古鏡

何年出鳳匣一片淬波新不改古時月曾窺絕代人梨花湘
女怨菱葉漢宮春照盡興亡感千秋幾劫塵

夏日和李明經 遇孫

買夏論園不用錢翻因逃暑得安便
斷雲已起將成雨遠樹全低欲化煙
學到難時貪習懶心從悔後漸知禪
平生厭看炎涼態一枕悠然無眼仙

閉門

閉戶常辭問字車山邨偏愛把茅居
息心無汗頻拋扇論古多疑彊著書
夢便得詩翻怕醒客防帶熱不嫌疎
科頭跣足且高詠嵇懶倪迂或未如

自遣

十年已分住巖阿招隱來尋桂樹柯窗小竹容半竿影風疎
簾縵一池波書經魚蠹偏劣失詩學蟬鳴古調多儘有閒情
聊自遣潛夫歲月未蹉跎

亦園漫興

崑山李氏別業

幾曲清溪枕鹿城小園名重庾蘭成孤亭半角皆山色疎柳
一行多雨聲好句每從閒步得客愁都向暮秋生娑陀不厭
搯筇數紅葉黃花要主盟

錢

聚英

寫寒林聽雁圖贈行因題

吳波淪淪愁菰蘆攏頭船向畫裏租夕陽半角山更遠漁笛
一枝鷗頻嘯冷雁將下如可語秋林極淡若欲無西風放棹

且歸去明日詩思滿江湖

雪窗漫興

以下丙子

漫拋春色曲闌干雪意空濛尙未闌酒力預支今夜冷天心
欲補去年寒柳絲乍見綠一綫竹影不多青半竿底事晴窗
遲送暖連朝檐漏不曾乾

新草

暖風小試蜨衣新一道裊翳一貼塵暮雨遲澆寒食酒冷煙
剛送曉行人紅心預種愁先長綠鬢初添覆未勻歲歲郊西
來粹脚再停十日好嬉春

新柳

河橋春夢不曾遲曳雪牽雲見一枝麋語分明憐婉約腰肢

生小那禁持曉風兩岸人初別淡月一樓鶯蚤知我是柳東
舊漁長多勞青眼似當時

新萍

飄零身世逐江干欲采無由覓故歡春水教流鄉夢去夕陽
早付老漁看一汀芳艸風先起三月楊花雨又殘多事江南
柳文暢含愁鎮日倚闌干

新竹

乍看頭角嶄然新籜解風前帶蘚紋落月半牆纔露影春雷
一夜便凌雲疎難成逕植全不俗早能醫最憶君準備明朝
起茶社不多清韻小窗分

自題東溪消夏圖

喜無熱客至不遣故人疎驟雨詩催就新涼酒破除相逢白

石隱却愛青山居亦欲歸耕去長年約潑沮是日金瀾攜竹
垞烟雨歸耕圖

見示

團焦圍綠樹畫裏屋堪租盡日門常掩此中人可呼一方修
竹逕萬籟北風圖并共碧筒醉歸來不用扶

題桂林圖

墉城僊侶好招要掐斷晶簾紫玉簫月子二分花十八人間
無此可憐宵

好夢依稀落小山秋風間煞石闌干招奴不用歌招隱露鬢
風鬟特樣寒

落葉送姪印庚之江南

秋色飄然至登樓獨浩歌天風吹不起夜雨聚還多遠道客
竟去空山愁奈何多勞猿鶴夢寂莫伴藤蘿

見身補節

仲夏輯彙書亭集外詩五卷成賦此志喜

老去新詩漫與工

漫與集為晚年
稟多未刊之作

拾遺還費校讐功二十

讀

謹

卷外得斯集三百年來無此翁已喜書坊有陳起好將鉛

槧補楊雄

謂未孩
楊君

詩龕却與坵南近萬个篔簹地半弓

余近
署石

經閣之東偏
日拜竹詩龕

遲付名山著述中石樓遺藁半殘叢

石樓集為早年詩亦多
未刊作石樓之名不見

于暴書亭集秋錦秋日凌公邀同諸君晚步東邨詩藍村漸
老石樓去絕倒黃花二十年藍邨沈山子也石樓竹翁初號
竹枝舊調刪還補先生西湖竹枝詞屢易其稟桃葉間情恨本空間情詩本無所

指不見須糜憐我晚尚誇鄉里與公同吉金粉墨俱零落先生

尚有吉金貞石志粉墨春秋風庭掃葉錄等書並已散佚今擬收輯更欲蒐羅逐蛙蟲

連日風雨暑意全消用少陵江南韻

三伏初無暑連朝已作去秋翻教拋楚葛渾欲著羊裘沙雨

崩頽岸山風撼破樓愁陰傷稼嗇天意幾時休

立秋日寄懷金香谷菴用少陵長吟韻

雨過平林外秋來例薄陰斷雲新雁影疎柳暮蟬心蘚蘚滋

花晚瓜塍引蔓淡頗聞蘇病骨倚杖日行吟

溪行卽景

喜 家大人自京師回里

喜慰田園計兼聞道路安稍添新白髮不厭老儒官兒女從
頭問親朋一笑歡晨飧須早潔校稿已堆盤

怕述頻年事回思淚欲吞承歡無弱弟見面失童孫幸得高
堂健依然笑語溫老懷須慰藉春酒日開尊

○ 一曲荇溪斜團焦八九家晚風收豆蔓小雨落槐花米賤雞
同飽囊空酒易賒江邨風日美間課問桑麻

過拂水山莊

○ 南朝江令夢初殘浩劫灰飛指暗彈野史有亭凋白石小樓
無地著黃冠江山慟哭應多感歲月栖遲亦大難拂水莊蕪
絳雲燼斜陽燕子幾回看

張敬仙之棟爲香谷子畫梅離奇鐵榦蓋代寫照也
作一絕題之

替寫孤山鶴膝枝十年寥落有誰知前身定是梅花衲僧帽
儒衣兩鬢絲

秋日閒居四首倣劔南小體

朝聞淋露溼江邨涼到空階蟋蟀盆半棧豆花初除架一庭
秋草早關門倪迂嵇懶有同調張瘦何肥且莫論自分前心
原不忘安禪誰識淨名尊

請卜何須反買疑毀譽鄉曲兩忘之麝牀且理輕安夢繭紙
宜裁小碎詩黃蜨避風栖短艸青虫引竹吐秋絲閉關合有
清閒課少悔拌刪播搭詞

野屋司空號綠杉蓬蒿迳不教芟性頑兒廢冬邨學寒薄
妻衰吉貝衫貧似宋清留藥券交如謝覽荅書函高堂菽水
歡無限白髮飄蕭署冷銜

習靜茅堂養性情帛槌茶磨絕喧聲要排俗學成經癖爲斷
凡交借病名米賤早知諸事易心安長覺一身輕旁人莫道

無官恥李謐年年擁百城

秋日漫興

纔聽西風獵獵聲
停車客到笑相迎
水邨黃葉滿頭雨
山寺斜陽一角晴
瘦蝶冷依秋艸影
瓦盆細數菊花名
江鄉野局偏宜醉
手把霜螯酌屢更

題鍾杏邨秋夜校碑圖

韓陵一片半叢殘
餘字猶留漢校官
翻怪松江王內史
石經

三體失邯鄲

王述庵金石萃編獨遺正始石經

我鄉博物朱石樓
當代楊南仲一流
可惜吉金貞石志
百年遺橐已難搜

風鐺閒伴子雲居
門外應多問字車
我亦要分金石癖
雁鐙

一盞注虫魚

時輯魏石經方成

石經閣詩略卷二

石經閣詩略卷三

北遊前草

嘉興 馮登府 雲伯

白頭詩侶結松圓共話滄桑不計年生死難逃窮鬼罵文章
枉受美人憐杜陵老去悲秋雨謝墅荒餘冷暮烟九廟冬青
零落盡不堪紅豆續新篇

夕嬰桃轉舍瓦

嬴漢以來重文字經生異讀相師傳六經沿革漸屢譌反假
瓦礫証奇編嬰桃轉舍最後出訓取月令羞加籩或云嘽鸞

柞舍字瑯嬛諸公說或然謂陳曼生鈕匪石諸說譯訓乃知嬰即嬰石

經穆傳存真詮唐石經春秋哀公元年晉侯使荀罃來聘罃作嬰說文罃瓶也博正罃訓同罃罃字本通

穆天子傳黃金之嬰即罃字轉嬰不殊運甕義柞舍想與長楊連瓦文柞

君釋為我生流轉無常舍分陰坐廢愁磨研幸依廣厦拋芒

柞恐非 孱金石刻畫窮蒐鐫日餐蛾綠忍飢坐虞山一點橫蒼煙

琴川曉發

落月猶在岸曉星寒挂樹檣牀殘夢搖行人又前渡

夕泊楓橋

湖跌十里指官亭擊汰沙棠為小停烟水又留今夜夢雲山

不改昔年青疎鐘到岸楓初落斷雁叫人酒易醒還與白鷗
認舊影江湖身世尚飄零

無錫望慧山和穀人前輩韻

空翠撲西神中間雲隔斷遠望一片青九龍掉天半寒日雁
腹迎曉烟塔頂散縹緲失咫尺孤帆移彼岸

重過無錫

聽松庵畔名泉里三百年來憶老翁我欲徑攜十九瓊山風
親試竹爐紅

石經閣詩四卷三
和斌笠畊師夜話原韵

風月廉夫號福人清鑑細品葉家春官同荀羨年偏少譚續
康輶錄喜頻婪尾兵厨開北府馬頭山店近西神明朝共約
愚公谷來看梅花上番新

楓橋舟發

帆脚初移薺樹昏子城隱隱失胥門斜陽蘆岸雁爭宿淺水
江橋沙露痕越客瑱裳勞寄遠吳孃箏笛最銷魂前汀漁火
星星出酌酒來尋黃葉邨

曉發京口

客夢落何處隨潮一夜流亂帆三十葉葉葉下沙洲吳楚并
飛越江天此拍浮前津已瓜步風雨老扁舟

遊高憫寺用樊榭老人韵

紺殿峙秋穹一江束門戶理策藪斗波鈴鐸語如雨人家隱
薺烟雉堞渺何處霞紅雁背馱雲黑烏尾聚唄匿登眺緣仿
徉香淨土詩成喜呈佛本色或可取

邵伯埭懷謝太傅

舊埭風流太傅賢甘棠曾竝召公傳徵歌翬屐登山日浩劫
楸棊走賊年高臥不妨官作達清譚終誤局爭偏只今遺愛
江淮水幾頃蘆錐當墓田

邵伯舟次笠畊師邀同煮酒夜話同用東坡韻

檣牀搖夢冰語細客如新婦帷車閉起來凍折兩足僵懶理
詩檢兼酒袂使君高唱水雲寬口所欲畫悉國計三十六陂

遊戲歸風流仿佛坡翁繼紅霞滿嚼梅花堆青山醉擁墨仙
髻天寒酒星斗大懸白眼一杯小塵世

高郵道中曉起用東坡韻

矮蘆髡柳寒堆冰尖風割面面有稜蓬窗瑟縮眠不起一拳
凍鷺難晨興朝曦一線射被縫來替詩人烘冷夢此時忽憶
梅花溪乾雀晴檐恣清弄茅柴差免行役勞暖爐會開烹羊
羔般兄張丈居不遠野局呼偃腰脚軟

渡江後小寓海岳庵懷米襄陽

溼雲寒走江天黑篷底雨粗眠縮瑟南宮詩夢久饑餓一幅
如逢圖潑墨米家當日亦寄居千秋橋側誅茅初倚閑堂隣
甘露寺傳前應署顛人書軒窗致爽面龍灣竟將海岳換研

山蟾蜍玉泪念故主誦詩圖筆心猶慳金賣杏煩婦與片
石多拜逢仙鬢寅哥坐列商寶纈巾箱五岳畱人間我來借
得書畫舫紅橋如十恣來往茶桶酒幔任相羊麝煤鼠尾寄
孤賞狂吟恍接七百年六代青山喜無恙當時快意索齋年
書博士衛臣親填卒駝剛石付劫火宣和圖畫歸雲烟雖有
斯庵倚江水零落秋風飛燕子抹豬思薦襄陽肉丸麋空寫
溢心細天寒仿佛精靈歸白鶴一聲橫江起

歸舟江口望金陵諸山積雪如鮮雲在空明滅變幻

真奇景也

望望遠松雪山光隔浦逢忽然青嶂斷真覺白雲空沙鳥寒
赴暝布帆爭戰風我來乘玉戲濯髮水晶宮

三過錫山

梁溪已三過淦淦晚寒昏微雪泊山足夕烟生水根俊遊總
鵲突秀嶂白龍蹲今夜松庵夢多應媿暮後

丹徒乘輿至丹陽下船作

江身漸長水漸縮沙岍如山高壓屋年年春插勞畚丁變水
為陸苦行役渡江小住卸蓬裘羊頭車輪聲歷鹿謁來愁水
更愁風箴篋穩坐日向東一肩行李車驅之竿角斜颭官旗
紅卯飯催行漸涉西瘦雅點點挂寒柳前邨燈火上店身僕
夫已報丹陽口下車仍捉赤馬船辛豐酒醉聊高眠

渡江小寓臨江閣

飛螢杳天表鳥下大江流白鳥一雙過青山兩髻浮結庵臨

海岳攀閣小滄洲仿佛凌雲意狂吟七百秋

戊寅四月十七日偕曹魚山

維岳 蔣魚雅 莘 陳蘊齋

維善 黃子芳 景沅 冷穎葯 烜 法可盦 良 徐博山 龍

遊虎邱旁晚集燕湖舫 以下戊寅

柳花如雪望江南烟塔風林晚綠酣傳唱山塘新樂府鼠姑
插徧馬頭籃

題法可盦琴川脩禊圖

荻芽蘆筍長煙根一帶晴波繞郭門何似風光蘭上里白鷺
曇穰自成邨

勝侶羊劉後眎前蕭梁臺畔幾春煙如何一代高文手翻藉

當時退筆傳 琴川有昭 明讀書臺

柳梢船放綠波平如畫青山對面橫半壑紅泉四圍竹迴風
都作管絃聲

舟泊錫山偕諸同人攜龍井茶至漪瀾堂試弟二泉
主僧出觀王孟端溪山漁隱圖及盛太常竹爐因
用吳文定公韻

檜風石磴汲新泉煩吻初消活水煎舊夢已拋雙井外老僧
能話百年前何時借我茶山隱有客真同竹榻眠都統籃攜
團月小撩雲細品色香全

可盦以蜀山瓦爐烹弟二泉試陽羨茶

蜀山爐具錫山泉箬籠頭綱手自煎瀾社何須逃水厄策勛
祇合諡茶僊半篷梅雨鷗銜小一枕松風鶴夢圓我是江南

老桑苧樵青攜上五湖船

京口江行

乘興滄州趣江皋策杖經霞蒸魚尾赤山擁蒜頭青越夢此
飛度吳天極杳冥漁舟炊晚飯燈火出前汀

登金山寺

百丈丹梯路何僻躡足勞風廊隨磴折石屋絆雲牢佛脚諸
天瘦潮聲一枕高山僧能愛客清話供茶槽

壽金盦歌用東坡石鼓韻爲笠畊師壽

仙館蓬壺位寅丑客延鄒生與枚叟青瑯素威日排列精靈
躍出龍蟠走論古不數賈長頭識字無過楊吃口使君廣博
拚羣雅我我缺冠戴柱後政餘清暇好嗜古精鑿十不遺八

九土華缺鬻辨卯金籀文詰曲削西柳鏡盃橫由測慮僂
 購規相量斛斗穉雷忽起螭坳耳旋出欲絕纜束肘雞彝尙
 象圖亞室鴻鏗汲豕鬣榛莠兄丁父乙分佗寶公非未絲同
 尙友上追鄣周下羸滅不溷豨苓及馬敦就中一敲傳邾遣
 篆體分明異蝌蚪醇訓乃是知孽文追孝父母蘄遐耆雙魚
 洗鱗恍泳沫饗饗張吻猶啣喉雙魚洗饗饗尊俱漢器吉雲捧綠叔孫
 彝祥金冶碧伯蘇叔孫鼓見博古圖伯蘇占見西清古鑑俱至寶也弩戈森張
 左軍鐘鐸編列付瞽瞍其餘珍器其一龕寶之不啻禹岫嶼
 山窗風雨聞登登氈槌響搦苔文厚永平永初溯年年淮父
 事父記某某以手摸之知真贗歐趙所錄無不有六經文身
 證金石光和碑本存隰杻琳琅羅薦虹貫月應逐妖狐趨神

狗千秋萬歲窈子孫富貴侯王良非偶使君正逢閭史辰是
 日清和夏惟首酒斟犧角祝三雅厨開天漿指右培樂無事
 日大吉羊綰綽年壽意足取綰綽年壽乃姬姜鼓銘語觀察誕辰適獲是器遂取以顏其齋
 美政方布奸慝消如勤物色鬚癡垢秦權周量督均輸文鬻
 武鉞保世守神物呵護豈常出一經真者卽不朽佗時定卜
 金甌枚手揮爪杖爲君壽

江行口號

鱸鄉頓頓食單俱坐釣間緡笠澤書報道冰船販鮮至一江
 腥雨上鱖魚

饒奴罷煮黃鶯筍野客新搓青豆梅好事山僧供茗料白雲

一擔過江來金山寺僧送中冷泉一擔

商女琵琶說露筋荷花世界浸溪雲宮中也解民間苦金合
新封豹脚蚊

綠楊城郭十三樓無復春塲賦冶遊勺藥田荒鐙市歇不妨
高枕過揚州

絕似青溪七十坊間披櫻朽學漁裝衝烟盪入菰蒲裏拍拍
驚飛鷺一牀

茶磨香槽位置精米家船只載書聲水晶眠夢烏絲髻重葉

交花記豔名

和魚山曹丈惠山觀王紱溪山漁隱圖韻

蒼龍九點青天半露烟春溪山此爲勝況具袞古癖何人此
栖隱一竿垂釣石春泉鳴琤琮細艸滋芳澤指點秀嶂街沿
流自結宅看山復理畫幽思動盈尺不見竹爐圖烟雲坐歎
惜呼童急煮薺頓覺煩憂釋袞哉長帽翁徘徊秋堂夕

渡河待牖

蘆岸如雲矗萬檣回波曲子聽扁郎綠楊棚底分茶店一路
風吹水餅香

上閘重似壓負版下閘疾如燕剪波平生想煞鯉魚美不待
曉風催渡河

三彎曉行用五六七體

曉露溼江房水風吹麥涼黃河千里曲一曲一回腸
三莖四莖竹笑團雪勝雪茶甘我似福州柰子彎環慣唱江
南

土銼蘆塘小市稀高粱酒賤免沾衣荷雲涼透幾絲雨卷起
一雙薄泊飛

渡河二首

片席挂斜陽中流入混茫濤聲趨海大天影壓雲黃濁酒千
杯醜炎風一葦杭客行歌遠上安穩報高堂
天風吹水立沙雨逐雲飛星海何人問乾坤帶一圍扁舟瓠
葉小五月鯉魚肥欲寄鄉書去江湖雁侶稀

駱馬湖

水枕嵐衣味漸諳醉帆百里順風貪隄栽官柳連夫柳路遠
淮南接濟南細雨漁船炊麥飯晚烟沙店出烘籃此時忽憶
江邨好桃火桑梯正上蠶

南陽湖雨後晚眺和可盦韻

陂塘五月打頭涼野水官櫓有底忙半幅藕衣遮小雨一繩
菱汊界殘陽鷗波如畫欲偷影萍葉未花時有香侘日爲漁
宜此地瓦瓶濁酒且先嘗

五月廿三日舟泊棗林閘苦熱不寐懷鄉作

不甞斟魯酒空自憶吳歌嶺雁南來少津魚北去多波心涼
白露鄉夢度黃河負米憐游子高堂思若何

任城登太白酒樓

一片城南月千年照此樓醉騎碧鯨去長嘯赤霜秋當戶酒
星大卷簾汶水流相攜東海袖吹笛下滄州

蜀山湖納涼散步

藕葉遮門四面同簑簑吹過葦條風斷雷忽作西南陣涼煞
一雙碧繼翁

白茅一角對鸞環倒影匳波兩髻鬟絕似峨眉山樣好澹煙
畫裏有人攀

六月七日張秋鎮

沙渚溼流轉柁牙到來小市語爭譁油坊趁雨收梨核土店
無風落棗花夢借清涼間似鷺詩吟小碎鈍如蛙因依千里

征帆健終勝蘆鞭薄笨車

齊東竹枝詞

豆棚兒女語紛紛六月曾無一個蟲自點瓦鐙裁倒頓生來
不識藕絲裊

黃泥版屋水楊前土坑蘆牀供客眠郎似車輪常去住妾如
餅樣望團圓

蘋婆荅還滿筠籃北果盛來味最甘卻憶烏巾山畔住楊梅
如雪熟江南

九月十九日喜聞京兆捷音

江湖歸夢息勞薪京雒初燁十丈塵不信窮愁終竈額聊將
笑語荅鐙唇鄉評且任輕孫楚狂論何曾學范滂三十頭顱

溷一第草堂歡喜慰雙親

自福山口渡海

三山欲擁去駭浪相低昂挂席自茲遠高歌入大荒寒潮狼
嶼白落日驚帆黃放眼非塵世乾坤極莽蒼

如皋道中

寒塘潮落露圓沙秋草纔黃一路斜蟹堞蘆錐來往熟滿船
多販木棉花

桃花米熟粒粒紅雨花菜肥比晚菘沾取木瓜新酒賤醉眠
不怕過江風

任家口乘小車至通州作

羊頭車小一肩擔霧濼霜花曉氣含曾記蘆溝風鐸裏又馱

殘夢到江南

如皋晤朱八丈留飲即贈

江湖老去朱矜石一別秦郵又七年白髮朋尊仍健在青溪
晚計轉蕭然秋風細話歸田錄寒雨欣成翦燭緣但覺心情

歎遲暮亂山魂夢繞南天

丈室人歿於滇南柩未得歸

題吳丈甯宣城遊草

仙都尋謝監幕府作參軍何處北樓上臨風一憶君山煙長
繞郭江雨不開雲試詠驚人句青天應共聞

多身謁劉龍洲道人墓

紅拍難呼詞客魂堦鄉荒土一坏存金盃夢醒焦桐死蘆葉
舟寒夜月昏風雨彘肩謀一戰江山牛角哭中原釣磯零落

多身謁

○

○

7

○

○

○

此卷乃卷之
世解也

石經閣詩略卷四

嘉興 馮登府 雲伯

北遊後草 以下已卯

己卯正月十九日北發和李孝廉 貽德韻

出門童僕愁祖道賓御列驅車南北塵離心懸天末故園纔
春和川涂尙冰雪丈夫立功名征程勞豈惜去去辭高堂臨
發情難越左垂受詩書旣壯離鄉國榮艾貽芬芳顯志展疇
昔渺渺南湖烟皎皎東溪月關山日以遠骨月日以隔不見
北征鴻天際各翔翮

垂虹橋石帚詞所云第四橋也橋下其度曲處

一江細雨一帆烟水面家家有畫船想像西湖歸夢近馬塍

花市早春前

箏詞不讓張春水烟趣應追陸瑁湖明月初三橋弟四不知
曾載小紅無

謁三高祠用樊榭韻同李孝廉

岸雨徹春宵江水尺半積來趁五湖船幽裏此栖宅水市連
山橋鴻雪認古跡俛仰三高人吁嗟媿形役雲溼數螺青波
閃一鷗白浮家烟水寬鬪酒天地窄相於攜茶具鴨闌恣呼
拍溪毛塞芳馨泉韻思洗垢高風聚一堂落落千載客彷彿
仙靈歸飄忽咽遠笛

呂城阻雪

春雷翻釀雪

前一日大雷雨

樸被屢停橈流水若有約凍禽如可招

溪寒陽羨樹風勒海門潮江路多畱滯相攜盡酒瓢

曉發陰平驛

東郡纔經弟一程郎當風鐸早催行出門尙戀還家夢近岸
先喧喚渡聲曉日紅馱雅背去亂山青逼馬頭生征衣洗盡
江南雨難得鳧峯日日晴

陶溝曉渡

落月猶挂樹曉風催渡河人先拳鷺起夢尙繭驢馱春水汶
沂接晴山海岱多迢迢二千里遠道莫蹉跎

陶溝遇夏孝廉

寶晉

相隔已五載相逢忽一方乍驚鬢毛改不覺道途長淮海調
鷹地青徐走馬場天涯貪握手歧路又蒼茫

中山店

殘照蘆鞭裏黃塵一騎驅童山排岬岨卵石亂樗蒲野飯盤
麤具高粱酒易沾土風涸樸處舊俗問須胸

謁孟廟

精氣鍾光岳巖巖厖貌存制頒周室爵系出表公孫位藐三
卿重師隨百代尊佚篇按內外私淑証心源

出都襍詩

遠樹疎烟接薊都夕陽芳草走明駝少年擊筑誰知己愁聽
蒼涼勅勒歌

○ 襄古天涯正惘然車中歷歷溯前賢伏生書傳康成易不待
登科記裏傳

○ 翩然朱履憶王孫濁世風流想像存我欲買絲無繡處一鞭
揮淚過平原

○ 客邸春歸總不知遠山依舊鬪蛾眉杏花雨後楊花雪一樣
東風兩樣吹

○ 碧玉輕盈屬小家霜濃馬滑勸琵琶相逢同是飄零客那有
心情問落花

○ 勞身塵鬮厭柴車誰耐長安久索居一事傲人燒尾宴過江
頓頓食鱗魚

端午還家卽事

○ 令節書荆楚江湖閱歲華不圖今日酒恰對小園花稚蜨圓
於繭新荷香勝茶柴門欣步履無復厭風沙

不出謝塵鞅當門艾葉青蛙喧烟外草人話雨邊鐙客售新
茶帖童繙舊藥經離騷二十五何處問湘靈

初夏園居

游倦耽疎嬾何嫌野趣長埽苔時破屐避筍屢遷牀并喜同
元亮園還仿碎疆草堂無客至風雨每停觴

題庭前柳

柔條親種意何如安得長時柳下居三月憐佗腰瘦減十年

似我髮蕭疎書鐙移亮明蟾頂詩夢招涼倦蜨餘底爲勞人
管離別曉風曾記送行初

寄斌觀察師通潞

薺烟檣雨紀官程粟挽青天指帝京民望繡衣歌段正天
將金節重裴卿蜀山每共去帆遠微水仍如前度清安得身
同江上月年年相送使君行

憶昨同乘春水宅去年此日屢開筵浮瓜沈李南皮會海月
江風沽口船讀畫愛披山谷楊譚詩分擘古田箋此時裏遠
勞千里敢望郵書朔雁傳

兩度還家荷

主恩綵衣朝服奉晨昏離雲春艸連秦棧鄉樹秋霜入薊門

石經閣詩略卷四
四
張儉弟兄皆列戟裴公池館舊開尊小樓夜雨曾聽處正及
丁香一樹繁

不才長是受恩年落拓關河再入燕白燕歸飛春水外青山
殘夢落花前舫船每憶邗龕醉玉節應知漢殿遷僕指吳江
秋信早幾回放溜望雲邊

柬朱五 墨林 兼訊病

問訊朱矜石歸來借病閒爲園勤課樹移榻遠看山以我愁
肝肺思君共笑顏蹒跚方畏暑相憶隔葭灣

秋水半池涼開門藕葉香百年多舊雨老屋換斜陽稚女收
花腊山妻檢葯囊消摩如得力乞我養生方

小春重遊虞山斌觀察師出示春遊破山寺詩卷卽

和卷中秦侍郎 瀛韻

昔年天姥夢曾證古屨提竹徑綠如滴岩花紅未齊夕陽崦
上下寒水澗東西不道塵衣換重來印馬蹏

烟翠撲山城羣峯面面迎不知松雨落但覺天風生薛舜題
仍在 戊寅春曾
題名於此 華幢搨未成 欲搨唐石
幢未果 瘦權約茶話好證此

心清

不識定中趣言尋方外交香厨供津飯雨饒佐官肴我欲招
仙尉因之結隱巢梅花山寺夜或有老翁敲

謝公爲政暇八詠繼清音一品雲衣白千秋潭水深名山欣
所託小草感難禁幸得同游地時聞鸞鳳吟

商立戈壽 壽蓋內作戈形

博古錄商器鉅製三代遺或者子荷蕢或者孫執旂此佗立
戈象斧爵例仿之止戈息耋取立戈旌耋宜以茲銘鐘鼎太
常有攸司唯酒備合歡於飲義何爲想當饒奏日合樂薦嘉
師鳴條功一放毫南懋賞時干鋌靖三栴鑣宮樂無期獻酬
陋瑤角羅列重金卮此爵紀功德吉金錫仲伊官箴毋淫酒
虛器絕傾欹其腹容二升盞鏞苔花滋典寶湯盤竝愛此雲
雷奇我師邁武功謂笠耕師天戈息鯨鯢助成旣飲勞豸服軍輸
馳洗爵上高堂千秋頌眉梨佗歌誌嘉福當佗猗那詩

商乳卣

中尊重金罍韓嬰詩義古於商得一卣厥製正相輔唇列丁
子文其文一曰乳于楷未重說溯自倉頡禮孳乳字相生六

書傳訓詁从了本佗卣从子義取俯从又象手指析意賅鞠
撫陳畱跪學羔邛女畜諸虎麇卯重仁育雉雒感陽煦是爲
子母恩慈養深噢咻惟昔韓思彥飲乳化獠戶亦越元德秀
自乳切同父是爲兄弟親友愛出肺腑赫之和藥羹割尔兼
剖股沔人泣蓼儀許子進珍脯是爲人子情純孝庶勉努在
天爲甘露在地爲膏土在物爲竹津在泉爲香雨象形復轉
注乳義難覩護觥觥斌夫子茹古珠璣吐選落開春讌醜醜
浮瓦甌飡玉挹瓊漿腴日烹翠釜茗花瀹風鑑菜脂迸寶腐
爵醮飲過申鐘鳴夜轉午進此千金卣歡心洽杖杜佗歌勤
刻畫以補殷頌五

邠歸敲

銘云邠歸佗敲用追孝于其
父母子子孫孫永寶用音

唯衣二十四埒庸須胸任宿古同封與已伐并邦城郭季
失國傳故公積古夏得一邦鼓歸也佗寶追父母告廟當循
考妣文事死如生義或取或云从獻是孽字準以未重訓庶
子或云从彳醜爲遣晉姜季嬪文妻見百二十國寶書亡姓
氏亦莫徵凡將楚鍾庠鼎半幟俗區區小邦尊彝藏牛蹊蠶
食國餘幾秋墳難飽石敖鬼尔邦蚤歸衣版國子子孫孫嗟
瑣尾山川長隸古任城詩亭詩國代遷夏試上龜蒙東望處
夕陽衰艸井壘平

新拓小園偶成

春山鄉思繞茶叢歸興商量地半弓破屋儘堪連樹買小園
全賴有詩工野花避徑偶開雨鄰竹過簷時送風暫脫征衫
容小住不須塵夢歎匆匆

斤三兩甘露三年工王

嬴秦以來立密時神休明號從此始
堯皇雍祠荆封禪明堂
玉檢何其侈此鼎溯自甘露年
孝宣紀元崇禋祀其容二升
具第三誰其舳者工王氏泰山峩峩民所依神之來兮紛
迤左據欒槍右元冥唯帝好陰興雲祁迺命羣僚歷吉日素
蚪郵偈飄旌旂星旄電燭天門闢八神齊降是耶非陳其
齋備乃犧爲民祈福神應知我思宣帝信符瑞建年往往
蕞久當時快意輪獵車膠東流民八萬口羽林孤兒樂游
畋名王幾輩封屠狗築宮禋禩及疫縣威鳳牟磨書遐壽
神仙荒唐巫蠱起青壇曾孫告元牡是鼎乃在黃龍前
凡百十五厘留傳雷紋屈削銅華碧阜禾畎粥形同全
方今望走昭寰宇嵩嘒萬歲百靈舞襄柔河岳隆亨
鷗煌煌典禮

石經閣詩冊卷四
垂東魯吉金奕世卜嘉羊雷取 昇平祝靈雨

漢諸葛銅鼓

款云大甲申辛卯歲十一月五日造

壽金盦中噉銅鼓流傳云是漢侯志陰山神物不世有千七
百年始出土銘紀叢號大甲申峒蠻酋長剗部伍辛卯歲十
一月船姓氏可惜失系譜唯侯夙箸征南勛金鳴天半來將
軍炎荒卷甲渡瀘水七擒七縱何其神蒲牢一吼魚麗整千
八百島聲應聞一鼓吉利肝膽破再鼓獠兒山河赫北征
捷南征罷憺哉天下竟三分將星忽動井火威舊京未復刀
先折帳下霜紅玉騎寒原頭月落金鉦咽是時銅鼓聲怒吞
九敲三搥瞰雲昏硃砂激碧分象郡石鵠淵渟悲雁門此鼓
長存鎮軍府思侯功德巴渝舞偶然搥擊發鯨魚想像英雄

氣如虎鐘簾不守老臣死坐使卯金換典午吁嗟乎漢宮擊
瓦玉塵飛銅仙一去西京非唯留銅鼓永不窅鳳魄鸞魂無
處歸我師得之逾珍癖模製量以億僂尺蠭齧生苔篆尙青
蟾精瞪目光猶赤神靈呵護待傳人玉磬龍泉同潤澤佗時
記取太常銘盞鉞文鬯書竹帛

新莽大泉范

新學周官開泉府制仿范金兼合土圓廓紛摹貨布文方樨
并入洪遵譜兒女心情絕可憐五男二幼長流傳侯王富貴
無山鑄不及詩人粗酒錢

研經閣詩略卷五

嘉興 馮登府 雲伯

北遊三草

○上元日漫興時將北行 以下庚辰

只有江梅似故人一枝已報上元春
雨聲簾額留華冷雪影
簾馨借月新且喜鄉園多伴侶
每因離別悔風塵
踏鐙兜惹
童時事連臂同歌舊竹鄰

劉伶臺

荒臺久寂莫尙自說劉伶一插屬華命
千秋高酒星醉鄉容
廣大釀國有仙靈我亦過江客
何曾三日醒

紅華埠題壁

香茅土店暫停驂
新柳當門綠漸添
山色馬頭無限好
計程今日盡江南

鄴城過傾蓋亭有懷李大貽德

解若清陽賦
合并雪泥星飯此
纔經孤城一角傳
荒裔蔓草千秋賸
古亭薺樹蚤浮新
雨綠山茱長對故
人青天涯有美
知何處攬轡春風
為暫停

曉渡沂水

天明不明喧渡
旁沙鷗未起人先
忙馬蹏倒影春水
碧山額半籠曉日
黃詠歌欲效長統
樂風浴昔追曾賦
狂安得釣遊來此
地高風登彼先王
堂

渡沂水後出北城遇雨

淡日喜晴暖青郊
策馬便何期殘夜
雨似泛五湖船遠
樹不開霧春山欲
化烟霏衣愁更溼
歧路意茫然

半城喜晴

南國忽開霽西崦
已潤田頓添僕夫
喜應受社公憐是日新

水碧雙澗夕陽紅
一鞭青駝邨店近
安穩跂牀眠

龔城山行同趙孝廉申嘉

石橋一曲水深深
如畫單茱露遠林
滿背斜陽松影落
有人負手讀碑陰

徂徠山下作

晚出徂徠山山翠
可攀言將行藥去
相與鬪雲還松子
有時落邨扉已半
關永懷孔巢父高
隱媿塵顏

登岱同莊

梧鳴吳成勳

吳玠

馬世芳

諸孝廉

伯

平生曾鼓滄洲興今日才瞻岱岳形
鳥下亂飛雲鳥白日邊遙見海山青
九州眼界開三大終古陰厓護百靈
所惜匆匆塵壒裏未捫蒼蘚剔殘銘
碧霞宮有秦時石刻惜未能搨也
極目齊煙幾點痕振衣僂覺此身尊
九閭呼吸通神鬼萬壑嶙峋列子孫
沙雨河聲連地軸雲衣松影近天門
壯遊喜逐青鞵願策馬層嵐日未昏

謁岱廟

宮闕崔巍接絳霄神庥密時典常昭
東方位配三公重西漢壇仍百代遙
畫壁龍蛇真宰泣玉京風雨夜靈朝
天香一炷崇明祀想見

先皇翠輦招

羊流店謁羊太傅祠

寥落巖阿太傅祠高風東晉至今垂
碑能墮淚山長在環認前生樹可思
馬上角巾推雅度帳中裘帶出奇師
我來下拜匆匆過惆悵湘蒼絮薦遲

晏城出山

歷盡巉巖力不支近湖芳草繫人思
好山看過一千里明月送人三五時
魯酒尊前成薄醉曉風馬上續殘詩
春光一半銷輪錢噤瘁桃花已破枝

花朝宿張夏

春柳小紅橋江南夢漸遙多勞琵琶
瓜語畱客過花朝

望涉南諸山

單菜不可極空翠了無遮春樹開蠶尾晴煙繞鵲華看山容
拄笏問酒每停車七十二泉好移家願尙賒

古城夜行

土店不成睡嚴夏出古城輿丁通馬語客子厭雞鳴落月黃
河冷春星遠樹明前途多積潦祇是苦宵征

河間曉行遇雨覆車

一騎黃塵撲面飛餘寒猶未卸綿衣早鶯欲破春山笑細雨
漸添紅杏肥殘瓦荒烟何代寺野橋亂水幾邨扉錦障泥滑
青絲重惆悵輪蹄未息驪

新城寒食

薄陰連日化清明風鐸郎當送驛程休恨馬頭春色少一鞭
紅雨過新城

趙北口和方子春

荆韻

我車旣已勞我僕亦云苦行行掘堞塵眼明河之渚潛鱗泳
清波髡柳俯沙嶼古隄橫略約遙山露眉嫵野渡近能呼漁
屋遠可數幾點蟹火明隱隱聞烟櫓倦游思川梁回廳感行
旅魯酒不成懽燕歌歎徒園懷哉江南邨千思渺何處

禮闈三場號舍對月

爽氣西山接斗台舉頭正喜月容開大羅天上羣仙會此夢
人間第二回

夏至日法可盦招同沈豐橋

學誠

遊法源寺

詹堂樹底叩禪扉境窈諸天暑尚微烟磬晚催茶夢久雨樓
添種菊苗肥詩人慣說清涼法老衲閒縫消瘦衣舊是開元
埋骨地石幢彈指劫灰飛

是日又偕遊陶然亭

十丈緇塵絆脚根禁街車馬傍朝昏眼明古水彎環影心遠
南湖罨畫邨山髻堆青都繞郭蘆葦搖綠半遮門烟波頗厭
朝趨俗商略鷗朋酒一尊

澹園春興

謨觴亭館儼神仙蘿袞追攀近日邊飛絮半池催化雨綠陰
一樹染成烟名園有約頻移榻余至都每假寓
聽雨樓樂壽軒永晝多閒抵
過年清絕頓忘人海裏盟苔款竹有前緣謂劉庶
常榮熙

四月二十九日午門謝

恩賜表裏各一端恭紀

紅綾餅宴

賜天漿前二日
賜宴禮部綵段重頒出 尚方敢以

恩榮誇畫錦漫言機杼有文章歸攜萊袖承親喜退直宮衣
染

御香迴憶江湖十年事煙包雨笠學漁裝

五月初二日 勤政殿引

見館選恭紀

瞳矐曉日早承

恩咫尺

龍顏拜 九閭點到丹臺名便貴頒來黃紙

詔先溫清班徐引登蓬苑小草何期傷月根慚愧江鄉鷗鳥性公然侍從接鸞鵠

端午後三日食新蠶豆

節物江邨近堆盤味較甘種應先蜀麥熟亦趁吳蠶小剝拋殘茨新涼賣一擔食單頻檢取對酒話江南

積雨

溼雲石磴影參覃苔氣昏昏積翠含不信此間有梅信雨嬉風颺似江南
綠陰如幄護琴牀分付山童補雀糧客屐不來苔又滿階前堆遍棗花香

題應

天垣

羅浮仙夢圖卽送其重游南海

身如羅浮蜨夢逐羅浮村羅浮仙人知何處月明化佗梅華魂饜黏飄忽曾游地萬里詩天麻麻記手持碧玉杖足蹋五羊城春風偷喫青泥髓綠骨一把千年輕香雪茫茫墮南海瘖虎癡龍久相待鐵橋正對玉女峯方丈蓬壺宛乎在浮邨伯句扇翁蜺旌翠羽來相從引君重覓雲溪樹木棉花放丹霞紅我亦雲中思插脚下探火府上碧落祇愁夢醒天雞呼失却天南兩黃鶴

題梅華溪八景圖

長水風帆

谷水來天目長波接洞庭秋艤一帆裏坐擁六峯青

桃源春漲

深潭武陵曲時遇蹋歌人流出山中水人間又暮春

南寺晚鐘

牧公已成佛石臺留清影飯鐘出秋林隔溪一聲冷

鷗浦漁燈

鱗簍通沙瀨漁燈出蓼汀臨江思小築三十六鷗亭

兩坨修竹

盧仝屋不多庾信園偏小中有綠髮翁坐竹聞山鳥

梅溪殘雪

春寒勒南枝老鶴呼不起饑黏一片雪化作半村水

柳岸聞鶯

楊柳短長齊春來慣覆隄流鶯何處語更在柳陰西

版橋曉市

月落疎林低隔水村扉靜幾箇趁墟人殘星聚寒影

自題前塵圖

侍杖買月

余七歲始入塾粗解四聲先大父出入必偕每鐙底課讀後攜街頭買月餅餉之戲謂之買月吃云

三歲識風丁七歲琅琅書可聽兒小善承阿爹意挽鬚問字
咄然喜秋鐙一盞月一盤竹街攜得餅團團欲嚼不嚼書未
完明當多買天邊月兒能讀書月不缺

紡磚團話

一
卷
一
後

先大母譚太安人每於機聲鐙影中嘯小兒女告
以先世事待侍刻則罷宵績焉

機聲書聲窗欲曙飢烏夜嘯學人語呼兒罷讀機停杼先世
清芬歷歷叙有時色不歡苦在心頭口俱酸有時意轉喜煮
茶且喚赤脚婢一衣一粒祖所畱薄田要爲子孫謀子孫苦
多田苦少語兒努力菜根齧嗚呼此語二十年秋風鄰壁愁
紡磚

被池背誦

余剪髻時每隨家大人同臥起於枕函背日間所
習書恒廢寢大人出必偕焉乾隆戊申有山左之
行母安人詭以近游告比知涕泣欲從而舟已發

矣

布被蒙頭學貓叫吟聲忽作雛鳳好枕函背誦不失一撚髭
聊博阿爺笑阿爺欲睡兒抱足鼾聲未歇書聲續爺出門兒
常疑牽裾問孃孃不知可憐終日淚如絲恨不抱足長勿離

池塘理夢

余二弟登善幼聰慧過人讀書之餘兼理家政得
嘔血症以嘉慶丙子夏亡

昔年春艸夢中綠相思不隔白雲曲今年春艸依舊生夜雨
鴿原夢難續對牀曾憶阿同偕共被輒思姜伯淮可憐風雨
太作惡棠棣一樹碑空埋天涯有夢歸不得魂兮魂兮山月
黑池塘芳草長愁根麥飯墳頭幾寒食

曇華淨果

余室人李名晚字梅卿以癸亥來歸十年食貧澗
婉有德兼工詩詞有隨月樓藁以壬申年亡

唐攬羯吒斯尚年受砒礪優曇祇一見地喜淨果在幽人室
製綠窗海口海棠華濃酌新酒剪刀聲歇凍藥殘指爪尖長病
梳瘦十年龍具臥王章一夕松根夢不長營齋營奠悲元九
區區官俸為卿償

山館讀書

余偕里中周君鳴盛史君大勳屠君雲堯為梅溪

四友今三君俱歸道山外如張堯民昌爵朱寄園
墨林亦先後未出不勝黃墟之感

破樓攤卷

余年十五授徒於里中徐氏市廛退屋邨童八九
人麥飯藜羹晏如也凡八年而就他處焉

十五便作結僮師俗眼謗傷遭羣兒主人日供田麥飯先生
自點村農詩破樓午夜撼風雨壞牆一角茅柴補簷窗葦壁

安繩牀秋燈籬落豆華吐此時攤卷了無愁吟聲碎伴殘蛩
秋君不見匡衡尚作富家傭僧珍貧居葱肆中英雄未遇類
坎塲販鐵磨鏡吾其從

辛峯攬古

丁丑秋赴斌笠畊師之招下榻虞山使署之辛峯
一角樓揮騷弋正頗極文讌之樂

辛峯一角山樓割嵐氣濛濛翠欲潑使君爲我置琴牀濯魄
頗黎秋窗豁弦詩讀畫多奇綠貞石芋金日刻畫秋堂張鐙
愛命酒竹裏行厨無虛夕東風昨夜山中來澗邊桃花紅亂
開石根都化桃花色水岩萬道飛春雷是時山禽作前導白
雲迎我一筇到烟鬟滿空海山橫一峯欲雨一峯晴松林萬
簇但翠影微閃幾點斜陽明僧言劒門尤奇絕捫蘿祇認青
猿跡我疑此中有藏書絳雲未散棲靈穴惜哉笋鞋未辦此
山盟定許他年結

潞河萍跡

戊寅偕笠畊師督運北行是秋舉京兆試

亂鴉作瞰天鋪墨千檣萬檣密如織運糧圖憶暗門郎一幅
丁沽好風雪負米江湖殊草草旅食無歸懷宋老歌成水調
記甲寅蟹舍漁村夢都好我亦江南飄泊人山魂水夢感雲
蘋津門烟樹薊門月認取天涯泥爪痕

蓬山應詔

庚辰舉南宮試得館選誌 恩遇也

蓬山一夜琪花開天風吹上金銀臺摩空搖筆立 朶殿玉
策親奏 君王來 君王臨御開顏色 詔許名挂蓬山籍
蓬山高處最清寒丹霄爭逐鸞凰班自慙苦屋窮愁子得列
花墩侍從官泥金帖附家書去尔時應博高堂歡一朝宮袖
香痕染廿載青衫淚點乾寄言志士來宜早神仙休歎鬢絲
老

石經閣詩略卷五

門人陳寶琛校字

